

2017

**RUANGMEI**  
**(Modern Indian Language)**

**Full Marks - 100**

**Pass Marks - 33**

**Time : Three Hours and \*Fifteen Minutes**

**(\* Minute 15 hei Latthanv guay pah khang kaganv tii mbulou e)**

**Thaylou khang :**

1. Latthanv che hei kalangv padeih A, B, C khatnic D twna khaklangc pat re.
2. Latthanv kaguayna zamh full marks nzat biak margin khou lyanlou e.
3. Nuhpui kamv nang raana latkaeng sinswna latthanv guay daw o.

**KALANGV-A**

**(LATCHYAM/PROSE)**

1. Kabange khou tiiloumei latbamv hei kabamv dincna piakna hy o.

**(Explain, with reference, to the context:)**

**6×1=6**

- a) Daicthau bammei chabwan ganv khou ntumei khatnic nggaanmei kaneimei rui pumh tuang khatnic lungning tuang kalaihmei peyna guang e.

*Hamh ethei*

- b) Charyn e! Khwan kiu thu mbuaih ryrii, lwm mak daekhna meic swluai ngam dyng ke.

2. **Kabange khou tiilou bammei latthanv hei latkaeng 180-200 lungc khou daw o :** 6×1=6

- a) Chumhzihlungc tabui zaeng rui kapouc builwang ta heidii kungc bam tu cho ?

*Hamh ethei*

- b) Rani Gaidinliu khang 'Lyammav' zanphuak tiilou kanmei duimei lwanry hy o.

3. **Kabange khou thanv bammei latthanv guay hei latkaeng 20-25 lungc khou daw o :** 2×5=10

- a) Ozone Layer rui maanseina khang gaengmei tabui tiilou cho ?  
b) Kulanang thow cho ?  
c) Isaac Newton rui *Mechanics* khatnic *Universal Gravitation* riak phungcpatlou khourui maanseina khang tabui gaengmei laatow cho ?  
d) Miantii Raengckat khoutei tabui sw kan cho ?  
e) AIDS hei meic pingmei ravpuat re tw bammei hei tabui zaeng rui cho ?

4. **Kabange khou tiilou bammei latthanv guay hei latrian akhat khou daw o :** 1×3=3

- a) Miantii guangc kai kasiamh khou kaingwm sw kanmei tei tabui thing cho ?

- b) Chumhzihlung pu kai guang dat makmei tingkwm azuh dou tha ?  
c) Gaidinliu bamv dincloumei khang thowrui kaswan daengka 200 lev  
500 kawpat kan cho ?

**(LUCHYAM/POETRY)**

5. **Kabange khou tiilou bammei latlangv hei kabamv dincna piakna hy o.**  
**(Explain, with reference, to the context) :** 6×1=6

- a) Alauc pam, chabwan champanv, ganthauh neilaa  
Nang ta ariumei guay tuang pianmei bamv sw,  
Nggin hamh e nang tho; nzianmei duangdaa e.

***Hamh ethei***

- b) Gaypui lat tei hei amuc zaic ki  
Siipui lat tei hei amuc thuy lak  
Alung twn phungcna bam.

6. **Kabange khou thanv bammei latthanv hei latkaeng 180-200 lungc khou  
daw o :** 6×1=6

- a) Twkumhpui thiak khou lungcsiimeipui rui kanac nunc khang kapanty  
katpatlou kan cho twmei RK Chingkhiuhlung tuang luchyam khourui  
thayloumei tei hy o.

***Hamh ethei***

- b) Mbaanv khou guang riu mak sihnic taruaih chaeng guang ariu dat khang  
karianhlou kanmei Meicriangc lev Lubuanneic ramzian hei ntumei akhat  
zanh ngamvzii ta lwnthaylou mak khourui e. Mi lam khou nang chwn  
hy o.

7. **Kabangc khou tiiloumei latthanv guay hei latkaeng 20-25 dou piuna daw o :** 2×3=6
- a) Hymeï C.P. Lungkubon rui katuang luchyam khou ney bammei ningtyng hei twkumhmei ningtyng ta cho ?
  - b) Hymeï Poujairung Thaimeï theilayna tabui zaeng rui kalwn gaymei tunac nunc ta Raengdaic e twna how maanv bam tu cho ?
  - c) Hymeï Lanbon Longmei rui tat rey kanmei pupouc nunc ta tabui e twna saalou cho ?
8. **Kabangc khou latthanv hei latrian akhat khou daw o :** 1×2=2
- a) Tabui zaeng rui maanscina ryanraa bam tuang e twna Hukhyamlaeng rui saa cho ?
  - b) 'Nai e mi kandi khou chamesi ningtyngmei'  
'Chamcsi ningtyngmei' twmei hei tabui ta cho ?

### KALANGV-B

#### (PAHMEI/READING)

9. **Latdangv hei pac lana latthanv guay daw o:**

Ravchap maekna gaanv khat na sihnic ringc nuh mak ge. Thowkumhmei lungning makumh nthuk key makmei maanseï rui ravchap rui tabui swlou nina cho twna ning e. Mi tei karaana daihriw swmei chwnlung de. Mi tei tho thiulaa laa e tihkic nwkwang maek ge twmei lev nchamc e. Thaymei paan rui ny, howmei paan rui ny hamh ethei lungning khou naimeï chwn paan rui ny tabui kumhmei ramh akhat khou tho Ravguangc lev aniu kariang nai e twmei thay e. Rav maek ge twna saa bammei guay rui nganvna Ravguangc kheyliak luihmei ta tho kahaw mak tu hamh e. Ai nchumhmei saa tina ai ryanraa the tw bammei guay tei nic nchumhmei lat saapatloupui zaeng ryanraa changh tuang tho hamh e. Tihkic nchumhmei lwn thay makmei nunc rui tiryanaa bam tuang de. Mi nchumhmei lev kalingmei hei kadai makmei Ravguangc lwnlung kiu e. Kandih nam ruc khou meic sii liangmei mei rui

nganvna nchumhmei taanhmei tuang neilaa tho laatow de. Mi zaeng rui ravchap kage maek ge twna saa bammei guay tei ravchap gancpat mak ge khatnic kaniw panty tei ravchap kazauh makmei panty hamh e.

- A. **Lathanv guay hei latkaeng 20-25 lungc khou daw o:** 2x5=10
- i) Tabui zaeng hymeis rui ravchap maekna ringc nuh mak ge saa bam tu cho ?
  - ii) Ravchap rui tabui swlou nina cho twna saa bammei maansei tei twkumhpui mei cho ?
  - iii) Rav maek ge twmei nunc khang nganv rav nai de twna mi latdangv khou twkumh lyanlou cho ?
  - iv) Tabui zaeng nchumhmei saa tina ryanraa bam tuang cho ?
  - v) Kadai makmei Ravguangc lwnlung kiu tabuibui cho ?
- B. i) Latdangv khou 'nchumhmei' twmei latkaeng hei noun khou piulou e. Adjective khou sinswna latrian akhat hypat ro. 1
- ii) 'Ringhpaan' twmei latkaeng kabac lev nchamcmei latdangv khourui phuna hypat ro. 1

**10. Kabangc khou tiiloumei latdangv hei pac lana :**

- a) Note kasiamh o. 5
- b) Note khoutei rui summary hy o. 3

Panty hei kamanv naina lungc khang e tihkic sw amaan khang hamh e. Aniu tuang panty thai lwn howpatmei twmei kiu aniu rui laatow bammei khiukhingh khoutei hamh e tihkic maansei akhat khang adih aniu rui tineihlaalou ngam kan cho twmei khoutei de. Mi panty thai lwn kiu thay khang tho aniu raana khou thanv khang de. Ryanraana thuymanv mak bammei nunc khang aniu tabui taanelou kan tha? Nchumhmei lev nlaanhmei panty lwnlung ta machak pwkhou tabui rui nrith bam cho twmei thay dai? Nchumhmei rui nrit bam the tw ethei aniu hei ringc thaymei twmei kiu di the. Mbaanv khou puancloumei thai nthaimai kiu di the.

Kum e cho tihkic panty ta suangc ning kunghmei nai e. Thowkumhmei rui taektu ta, thowkumhmei rui pwanrai ta, thowkumhmei rui syan-lany ta kungc

ranv e. Mi hei nkhuaimi e saa khang ngam mak ge tihkie tho ringc bammei  
thai nthai ngam lakmei maansei nunc e saa tina saa mbu mak khe.

### KALANGV-C

#### (HYMEI/WRITING)

11. Kabangc khou tiiloumei lam khou *akhat* piakna latkaeng 80-100 dou khou  
hypat ro : 6×1=6

a) Puanh Ngai Ngngaymei

b) Ai kahaw liangmei Dinhmei

12. a) Delhi University khou taanv taanc bammei Zaenghhyamlung Gwanmei  
rui nang kai khang syan daengka 20,000/- mpat guang e. Money order  
khou thaa guangmei syan tei bw 2 mbu khwan sihnic mphang mak khe.  
Mi lam khou latpuanh taddyn akhat Tamenglong khou bammei Post Master  
khou hy e. Mi taddyn kiu hypat ro. Nang zanc Lungcgaychung Paanvmei  
twna hylou o. 6

#### *Hamh ethei*

b) Ntaw daicthau bammei chabwan guay kheyliak hei mobile phone sin  
khourui kalam daihmei akhat swna siikey e. Akumh ethei daicthau bammei  
chabwan guay rui mobile phone sin mak mak nuh pwni cho hamhethi  
twkumhpui thiak gaymei lwan khou sin nina cho twmei kalam asaek  
hyna 'Zauzian Chamv' tuang Nzangmei (editor) khou taddyn akhat hy o.  
Nang zanc Hiaksuimei Kaamhmei twna hylou o.

#### *Hamh ethei*

c) Ruanglat Lecturer taanv bamv nsaamei Gaydymzaengc Hr. Sec. School,  
Khoupum khou kaw bam e. Nang tuang bio-data kazauhmei taddyn akhat  
mi taanv khang tei hypat ro.

13. a) Tamenglong District hei ramvruanh bamv geicna nai e tihkic mi guay hei daicthau ngam mak bammei lam Tamenglong College tuang Lecturer Gaythaychunge Riamhmei rui College Megazine khou lou khang article akhat hy e. Mi article kiu makumhna latkaeng 100-150 lunge khou hypat ro. 8

***Hamh ethei***

- b) Kabangc khou tiiloumei latbamv hei tiiloumei Outlines sinswna Essay latkaeng 180-200 lunge khou hy o :

- i) Ai Deputy Commissioner sw tuang Khwan ethei

**[Outlines : Kahouhmei – kandih khou guang tangh makmei – nang rui taanepat nime- luailoumei]**

***Hamh ethei***

- ii) Khwm-ngay

**[Outlines : Kahouhmei – khwm ngay rui chabwan khang kabiumei – gaengmei – luailoumei]**

**KALANGV-D**

**(LATRIAK/GRAMMAR)**

14. a) Ruanglat consonant ‘d’ rui latkaeng chung khou naimei latkaeng akhat hypat ro. 1
- b) ‘Kahuypui tauc paantamv tow mak ge.’  
Mi latrian khou bumkeymei khwangwan naimei latkaeng azuh cho ? 1
15. a) ‘Tabui gan tu tuang ?’  
Mi latrian khou adjective latkaeng hypat ro. 1
- b) ‘Latrik table rue khou nai e.’  
Mi latrian khourui verb latkaeng kapahpat ro. 1

- c) 'Tihkie' twmei conjunction latkaeng sinswna kabah patmei latrian akhat hy o. 1
16. a) 'Kai' lev 'lunghmei luangc' kariu pwkhou Ruanglat khou kabah patmei tabui latkaeng kasiamh cho ? 1
- b) 'Ka' twmei rui prefix swna Ruanglat kabah patmei latkaeng akhat hypat ro. 1
17. a) Ruanglat latrian lwnliak 'Subject+ noun+verb+e' twmei latrian akhat hypat ro. 1
- b) Mi chalahmei latrian (Simple sentence) 'Ai kazanc thay e' twmei khourui Alamvmei Latrian (Complex sentence) khou ngguanhpatt ro. 1
18. **Tiiloumei nchoumei latpaa hei sinswna latrian hypatt ro:** 1×2=2
- a) Thing-tauh
- b) keykey kuku
19. **Tiiloumei latchap kabac tabui cho hypatt ro:** 1×2=2
- a) Aguc duidai kaniem gay e.
- b) Binwang khou dui lai hlou kumc.
20. **Tiiloumei latthiap (Idiom) khourui latrian kasiamhpatt ro.** 1×2=2
- a) duikey maikeymei
- b) guhsw gahswmei